

Izveštaj o radu Uprave policije MUP-a Kantona Sarajevo za mjesec septembar 2021. godine

KRIMINALITET

STATISTIČKI POKAZATELJI

U mjesecu septembaru 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 405 događaja sa obilježjem krivičnog djela (što je za 37 ili 10,1% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 208 ili 51,4% je evidentirano po poznatom izvršiocu, a 197 ili 48,6% po nepoznatom izvršiocu.

Od ukupno 208 događaja sa obilježjem krivičnog djela evidentiranih po nepoznatom izvršiocu, naknadno je rasvijetljen 31 događaj ili 15,7% (sedam događaja evidentirano u mjesecu septembaru, a 24 u ranijem periodu) što je za 6,3% manje u odnosu na uporedni mjesec.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 191. obavijest (106 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU SEPTEMBRU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
SEPTEMBAR 2021. GODINE	405	208	197	31	24	193	4	117	81
SEPTEMBAR 2020. GODINE	368	150	218	48	33	191	4	114	86
<i>uporedba</i>	<i>37</i>	<i>58</i>	<i>-21</i>	<i>-17</i>	<i>-9</i>	<i>2</i>	<i>0</i>	<i>3</i>	<i>-5</i>
	<i>10,1%</i>	<i>38,7%</i>	<i>-9,6%</i>	<i>-35,4%</i>	<i>-27,3%</i>	<i>1%</i>	<i>isto</i>	<i>2,6%</i>	<i>-5,8%</i>

U toku mjeseca septembra ove godine prijavljena su 193 lica (dva više), od kojih je 117 povratnika (tri više) (ili 60,6% od ukupnog broja prijavljenih lica), četiri maloljetnika (isti broj), a 81. lice je lišeno slobode (pet manje).

Za događaje sa obilježjem krivičnog djela, koji su evidentirani u mjesecu septembaru 2021. godine, prema izjavama oštećenih lica, nastupila je materijalna šteta u ukupnom iznosu od 751.140,90 KM i 3.000 €.

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU SEPTEMBRU 2021./20. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZ BiH

KZ FBiH-a i KZ BiH-a	SEPTEM BAR 2021. GODINE	SEPTEM BAR 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv ustavnog poretka Federacije	0	1	-1	---	0	0	0	---
Protiv života i tijela	23	15	8	53,3%	21	2	0	0%
Protiv slobode i prava čovjeka i građanina	26	15	11	73,3%	26	0	0	---
Protiv spolne slobode i morala	1	1	0	isto	1	0	0	---
Protiv braka, porodice i mladeži	20	20	0	isto	20	0	0	---
Protiv zdravlja ljudi	22	37	-15	-40,5%	22	0	0	---
Protiv imovine	265	234	31	13,2%	75	190	31	16,3%
Protiv okoliša, poljoprivrede i prirodnih dob.	1	0	1	---	1	0	0	---
Protiv opće sigurnosti ljudi i imovine	11	10	1	10%	8	3	0	0%
Protiv sigurnosti javnog prometa	8	9	-1	-11,1%	8	0	0	---
Protiv pravosuđa	2	1	1	100%	1	1	0	0%
Protiv javnog reda i pravnog prometa	20	13	7	53,8%	19	1	0	0%
Protiv podmićivanja i KD protiv službene i druge odgovorne funkcije	4	4	0	isto	4	0	0	---
Protiv privrede i jedinstva tržišta te KD iz oblasti carina (KZBiH)	0	0	0	---	0	0	0	---
ZONDINOIM-a (Sl.novine Kantona Sarajevo br.01/18)	2	8	-6	-75%	2	0	0	---
UKUPNO	405	368	37	10,1%	208	197	31	15,7%

U mjesecu septembaru 2021. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 37 ili 10,1%. Najznačajnija povećanja su zabilježena u oblasti protiv imovine (za 31 događaj) i slobode i prava čovjeka i građanina (za 11), dok su smanjenja evidentirana u oblastima protiv zdravlja ljudi (za 15), ZONDINOIM-a (šest) i sigurnosti javnog prometa (za jedan događaj).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom septembra 2021. godine evidentirana su 23 događaja sa obilježjem krivičnog djela iz oblasti protiv života i tijela (osam više u odnosu na mjesec septembar 2020. godine) i to 21 po poznatom i dva po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – jedan događaj,
- ubistvo u pokušaju (član 166. u vezi člana 28. KZ FBiH) – jedan,
- ubistvo u sačiniteljstvu (član 166. u vezi člana 31. KZ FBiH) – jedan,
- ubistvo u pokušaju u sačiniteljstvu (član 166. u vezi člana 28. i člana 31. KZ FBiH) – jedan,
- teška tjelesna ozljeda (član 172. KZ FBiH) – tri i
- lahka tjelesna ozljeda (član 173. KZ FBiH) – 16 događaja.

Nadležnom tužilaštvu podneseni su službeni izvještaji protiv 24 lica, od kojih je 14 povratnika (ili 58,3%), a 11 je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 26 događaja sa obilježjem krivičnog djela (11 više) i to ugrožavanje sigurnosti za čije je izvršenje prijavljeno 27 lica, od kojih je 12 povratnika (ili 44,4%), a pet je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu septembaru evidentirano je 20 događaja sa obilježjem krivičnog djela (isti broj) i to: nasilje u porodici - 17, zapuštanje ili zlostavljanje djeteta ili maloljetnika – dva i izbjegavanje izdržavanja – jedan događaj, za čije su izvršenje prijavljena 22 lica, od kojih je 13 povratnika (ili 59,1%), a 10 je lišeno slobode.

PROTIV ZDRAVLJA LJUDI

Evidentirana su 22 događaja sa obilježjem krivičnog djela iz ove oblasti (15 manje) i to:
 - neovlašćena proizvodnja i stavljanje u promet opojnih droga (čl. 238. KZ FBiH) – četiri i
 - posjedovanje i omogućavanje uživanja opojnih droga (čl. 239. KZ FBiH) – 18 događaja.

Nadležnom tužilaštvu podneseni su službeni izvještaji protiv 22 lica, među kojima je 16 povratnika (ili 72,7%) i osam lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv četiri lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 18 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, “Ecstasy”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU SEPTEMBRU 2021./20. GODINE

VRSTA OPOJNE DROGE	SEPTEMBAR 2021.GODINE	SEPTEMBAR 2020. GODINE
Marihuana (u gramima)	30,966	71,292
Marihuana (paketići)	7	9
Heroin (u gramima)	---	9
Amfetamin (paketići)	---	5
Amfetamin (u gramima)	20	42,127
Ecstasy (tablete)	1	12
Ecstasy (u gramima)	---	0,595
Speed (u gramima)	---	12,991
Kanabis (stabljika)	1	---
Speed (paketići)	3	8

1.2.5. PROTIV IMOVINE

U ovom mjesecu, evidentirano je 265 događaja sa obilježjem krivičnog djela protiv imovine (75 po poznatom i 190 po nepoznatom izvršiocu) što je za 31 ili 13,2% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 125 (osam manje),
- krađa (član 286. KZ FBiH) – 64 (pet više),
- razbojništvo (član 289. KZ FBiH) – 25 (dva više),
- prijevera (član 294. KZ FBiH) – 19 (14 više),
- oštećenje tuđe stvari (član 293. KZ FBiH) – 14 (deset više),
- teška krađa u pokušaju (član 287. u vezi člana 28. KZ FBiH) – četiri (jedan više), itd.

Nadležnom tužilaštvu podneseni su službeni izvještaji protiv 52 lica, od kojih je 38 povratnika (ili 73,1%), a 32 su lišena slobode.

Od ukupno 190 događaja evidentiranih po nepoznatom izvršiocu iz oblasti protiv imovine naknadno je rasvijetljen 31 događaj ili 16,3% što je za 4,7% manje u odnosu na septembar 2020. godine.

Tokom mjeseca septembra ove godine 48 teških krađa izvršeno je u stambene objekte (devet manje), 33 u motorna vozila (otuđenja motornih vozila i “provale” u ista) (17 više), 24 u poslovne prostore (16 manje), na ulici – četiri (šest manje), itd.

Takođe, evidentirano je 13 otuđenja motornih vozila, a pet je pronađeno i vraćeno vlasnicima (Uprava policije MUP-a KS – vratila je tri vozila i vlasnici – dva vozila).

Broj otuđenih motornih vozila u odnosu na uporedni mjesec povećan je za tri ili 30%.

Evidentirana su 64 događaja sa obilježjem krivičnog djela krađe (pet više) i to: na ulici – 24 puta, u poslovnim prostorima – 18, u stambenim objektima - 11, u vozilima i na stajalištima GRAS-a – sedam, itd. odakle su otuđivani mobiteli, novčanici, prehrambeni proizvodi, bicikli, električni romobili, itd.

Evidentirana su o četiri događaja sa obilježjem krivičnog djela teških krađa na naročito opasan ili naročito drzak način (pet manje), u kojima su izvršiocu, upotrebom fizičke snage (otimanjem i trganjem) - tri puta i verbalnom prijetnjom u jednom slučaju, otimali mobitele i nakit, a evidentirani su: na ulici - tri puta i u tramvaju - jedan.

Nadležnom tužilaštvu podneseni su službeni izvještaji protiv dva lica, povratnika u činjenju krivičnih djela, koji su lišeni slobode.

U mjesecu septembaru ove godine evidentirano je 25 događaja sa obilježjem krivičnog djela razbojništva (dva više) i to na području slijedećih policijskih uprava: II PU - devet (tri više), III PU - pet (dva više), IV PU - četiri (isto), V PU - četiri (jedan manje), I PU – dva (jedan više) i Uprava policije u sjedištu – jedan događaj (jedan manje).

Nadležnom tužilaštvu podneseni su službeni izvještaji protiv 10 lica, od kojih je pet povratnika (ili 50%), a sedam je lišeno slobode. Od ukupno 22 događaja razbojništava evidentiranih po nepoznatom izvršiocu, naknadno je rasvijetljeno pet ili 22,7% (38,4% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - tri puta, prijetnjom upotrebe noža ili drugog oštrog predmeta – 16 i upotrebom fizičke snage – šest puta, a počinjena su na ulici – 13, u poslovnim prostorijama – 11 puta i u sportskoj kladionici – jedno. Otuđivani su mobiteli, novac i nakit.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 11 događaja (jedan više) i to: - izazivanje opće opasnosti – sedam, nesavjesno čuvanje pasa i drugih opasnih životinja – tri i izazivanje opće opasnosti u pokušaju - jedan događaj, a nadležnom tužilaštvu podneseni službeni izvještaji protiv osam lica, od kojih su dva lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – pet puta i u poslovnom prostoru – dva pri čemu je u dva slučaja aktivirana nepoznata eksplozivna, tri puta otvorenim plamenom izazvan je požar i u dva slučaja je upotrijebljeno vatreno oružje. Posljedice su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 20 događaja sa obilježjem krivičnog djela (sedam više) i to: krivotvorenje isprave – 12, nasilničko ponašanje – četiri, napad na službenu osobu u vršenju poslova sigurnosti i nedozvoljene držanje oružja ili eksplozivnih materija – po dva događaja. Nadležnom tužilaštvu podneseni su službeni izvještaji protiv 20 lica od kojih je 11 povratnika (ili 55%), a četiri lica su lišena slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu septembru 2021. godine evidentirana su tri događaja sa obilježjem krivičnog djela, u kojima su učestvovala četiri maloljetna lica (isto u septembru 2020. godine). Prijavljeni maloljetnici su u dobi od 14 do 16 godina – jedan, od 16 do 18 godina – tri.

STAROSNA DOB MALOLJETNIH LICA
SEPTEMBAR 2021/2020. GODINU

MJESEC	od 14 do 16 god.	od 16 do 18 god.	ukupno
septembar 2021. godina	1	3	4
septembar 2020. godina	2	2	4

Događaji sa obilježjem krivičnog djela u kojima su učestvovala maloljetna lica, evidentirani su u:

- II PU – dva događaja (teška krađa),
- VII PU – jedan događaj (lahka tjelesna ozljeda).

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca septembra 2021. godine na području Kantona Sarajevo evidentirana su dva događaja aktiviranja minsko-eksplozivnih sredstava (isto u septembru 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

Evidentirana je jedna anonimna dojava o postavljenoj eksplozivnoj napravi (nije bilo u septembru 2020. godine). Nakon KDZ pregleda utvrđeno je da je dojava bila lažna. Preduzimaju se aktivnosti na rasvjetljavanju ovog događaja i pronalaženju učinilaca.

POŽARI

Tokom mjeseca septembra 2021. godine, na području Kantona Sarajevo registrovano je devet požara (osam manje u odnosu na isti mjesec prethodne godine), usljed čega je nastupila materijalna šteta.

Prema statističkim pokazateljima dva požara su izazvana zbog tehničkih nedostataka, dok uzroci sedam požara spadaju u kategoriju ostalih.

Požari su registrovani u:

- Pomoćnim objektima - dva puta,
- Poslovnim prostorima - dva,
- Stambenom objektu - jednom,
- Saobraćajnom sredstvu - jednom,
- Ostalim objektima - tri puta.

Zbog izazivanja požara nadležnom tužilaštvu podnesena su tri službena izvještaja iz člana 323. KZ FBiH (izazivanje opće opasnosti).

SAMOUBISTVA

U mjesecu septembru 2021. godine na području Kantona Sarajevo registrovano je jedno samoubistvo (tri manje) na području općine Centar izvršeno vješanjem.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je šest pištolja, osam ručnih bombi, jedan nož, 57 komada municije različitog kalibra i jedan predmet podoban za nanošenje tjelesnih ozljeda.

Fizičkim licima izdato je 160 odobrenja za nabavku vatrenog oružja i 112 oružnih listova.

JAVNI RED I MIR

U toku mjeseca septembra 2021. godine u oblasti protiv javnog reda i mira evidentirana su 294 prekršaja (10 ili 3,5% više u odnosu na isti mjesec 2020. godine), a za izvršenje navedenih prekršaja prijavljeno je 306 lica (15 ili 4,7% manje), od čega je 75 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 266 naloga i podneseno je 28 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 270 prekršaja (ili 91,8%), a na prekršaje koji su utvrđeni Odlukom općinskih vijeća o javnom redu i miru 24 (ili 8,2%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (118), između 26 i 35 godina (110) i između 19 i 25 godina (78).

Prilikom narušavanja javnog reda i mira u mjesecu septembru 2021. godine, nije bilo teže povrijeđenih lica (isto kao u septembru 2020. godine), dok su četiri lica (šest manje) lakše povrijeđena.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC SEPTEMBAR 2021/2020.GODINA

STRUKTURA PREKRŠAJA	septembar 2021.	septembar 2020.	uporedba
UKUPNO prekršaja	294	284	+10 ili 3,5%
UKUPNO lica	306	321	-15 ili 4,7%
Prekršaji prema Zakonu JRiM:	270	270	isti broj
<i>-Tuča</i>	23	38	-15 ili 39,5%
<i>-Naročito drsko ponašanje</i>	37	48	-11 ili 22,9%
<i>-Odbijanje naređenja i omalovažavanje pol. služb.</i>	20	24	-4 ili 16,7%
<i>-Prosjačenje</i>	109	73	+36 ili 49,3%
<i>-Uživanje opojne droge na javnom mjestu</i>	8	4	+4 ili 100%
<i>-Svađa, vika, nepristojno ponašanje</i>	11	10	+1 ili 10%
<i>-Ostali prekršaji</i>	62	73	-11 ili 15,1%
Prekršaji prema Odluci općinskih vijeća o JRM	24	14	+10 ili 71,4%

Iz tabelarnog pregleda vidljivo je, da je tokom mjeseca septembra 2021. godine, u odnosu na septembar prethodne godine prema strukturi prekršaja povećan broj:

- prosjačenja za 36 ili 49,3%,
- prekršaja koji su regulisani Odlukom općinskih vijeća za 10 ili 71,4%,
- uživanja opojne droge na javnom mjestu za četiri ili 100% i
- svađa, vika, nepristojno ponašanje za jedan ili 10%;

dok je smanjen broj:

- tuča za 15 ili 39,5%,
- naročito drskog ponašanja za 11 ili 22,9%,
- ostalih prekršaja za 11 ili 15,1% i
- odbijanje naređenja i omalovažavanje policijskih službenika za četiri ili 16,7%.

Prema vrsti prekršaja, najbrojniji su sljedeći prekršaji: prosjačenje (109 ili 37,1% od ukupnog broja), naročito drsko ponašanje (37 ili 12,6%), tuče (23 ili 7,8%) odbijanje naređenja i omalovažavanje policijskih službenika (20 ili 6,8%), svađa, vika, nepristojno ponašanje (11 ili 3,7%) i uživanje opojne droge na javnom mjestu (osam ili 2,7%). Takođe, evidentirana su 62 prekršaja iz kategorije ostali prekršaji i 24 prekršaja koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (278 ili 94,5% od ukupnog broja), a znatno manje u ugostiteljskim objektima – dva, u vozilima javnog saobraćaja – jedan i na ostalim mjestima 13 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC
SEPTEMBAR 2021/2020. GODINE

MJESTO IZVRŠENJA	SEPTEMBAR 2021.	SEPTEMBAR 2020.	uporedba
Ulica i drugi otvoreni prostor	278	260	+18 ili 6,9%
Ugostiteljski objekti	2	4	-2 ili 50%
Vozila javnog saobraćaja	1	---	+1
Škole i školska dvorišta	---	---	---
Trgovine i zanatske radnje	---	---	---
Ostala mjesta	13	20	-7 ili 35%
UKUPNO	294	284	+10 ili 3,5%

U odnosu na isti mjesec 2020. godine, povećan je broj prekršaja evidentiranih na ulici i drugim otvorenim prostorima za 18 ili 6,9% i u vozilima javnog saobraćaja za jedan prekršaj, dok je smanjen broj prekršaja na ostalim mjestima za sedam ili 35% i u ugostiteljskim objektima za dva ili 50%.

Na području Kantona Sarajevo u mjesecu septembru 2021. godine održan je 261 javni skup (24 ili 8,4% manje u odnosu na mjesec septembar 2020. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 15 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu septembru 2021. godine registrovane su 663. saobraćajne nezgode (18 ili 2,6 % manje u odnosu na isti mjesec prethodne godine), od čega je 581. sa materijalnom štetom (25 ili 4,1 % manje) i 82. sa nastradalim licima (sedam ili 9,3 % više).

U navedenim saobraćajnim nezgodama četiri lica su poginula (tri ili 300 % više), dok su 103 lica povrijeđena (osam ili 8,4 % više), od čega 30 teže i 73 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC SEPTEMBAR 2021./20. GODINE

	sep. 2021.	sep. 2020.	uporedba
UKUPNO SAOBRAĆAJNIH NEZGODA	663	681	- 18 ili 2,6 %
Saobraćajne nezgode sa nastradalim licima	82	75	+ 7 ili 9,3 %
Saobraćajne nezgode sa materijalnom štetom	581	606	- 25 ili 4,1 %
POGINULO LICA	4	1	+ 3 ili 300 %
- vozači	3	0	+ 3
- putnici	1	0	+ 1
- pješaci	0	1	- 1
POVRJEĐENO LICA	103	95	+ 8 ili 8,4 %
- vozači	61	55	+ 6 ili 10,9 %
- putnici	30	18	+ 12 ili 66,7 %
- pješaci	12	22	- 10 ili 45,4 %

U naselju je registrovano 599 saobraćajnih nezgoda (dvije sa poginulim, 72. sa povrijeđenim licima i 525 sa materijalnom štetom), van naselja 64. nezgode (jedna sa poginulim, sedam sa povrijeđenim licima i 56 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU SEPTEMBRU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	23	49	525	599	3	28	66
van naselja	1	1	6	56	64	1	2	7
UKUPNO	3	24	55	581	663	4	30	73

POSLJEDICE SAOBRAĆAJNIH NEZGODA

Tokom mjeseca septembra 2021. godine, u saobraćajnim nezgodama na području Kantona Sarajevo 107 lica je nastradalo (11 ili 11,5 % više). Četiri lica su poginula (tri ili 300 % više), dok su 103 lica

povrijeđena (osam ili 8,4 % više), od čega 30 teže (17 ili 130,8 % više) i 73 lakše (devet ili 11 % manje).

LICA POGINULA U SAOBRAĆAJNIM NEZGODAMA

- Dana 07.09.2021. godine, na magistralnom putu M18, u mjestu Ljubina (općina Ilijaš), poginuli su: S. J. (55) - vozač i S.S. (72) - putnik.
- Dana 27.09.2021. godine, na magistralnom putu M 18, u mjestu Borak (općina Ilijaš), poginuo je D. N. (65) - vozač.
- Dana 27.09.2021. godine, na magistralnom putu M 17 u mjestu Reljevo (općina Novi Grad), poginuo je H. Z. (59) – vozač.

LICA POVRIJEĐENA U SAOBRAĆAJNIM NEZGODAMA

Tokom mjeseca septembra 2021. godine u saobraćajnim nezgodama povrijeđena su 103 lica: 61 vozač (16 teže i 45 lakše), 30 putnika (osam teže i 22 lakše) i 12 pješaka (šest teže i šest lakše).

Starosna struktura nastradalih lica u saobraćajnim nezgodama je slijedeća:

- Ispod šest godina - pet lica,
- od 6 do 14 godina - sedam lica,
- od 15 do 20 godina - pet,
- od 21 do 24 godine - 18,
- od 25 do 30 godina - 16,
- od 31 do 40 godina - 13,
- od 41 do 50 godina - 15,
- od 51 do 65 godina - 20,
- 66 i više godina - četiri,
- nepoznata starosna dob - četiri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 13,
- od 23 do 30 godina - 14,
- od 30 do 40 godina - 11,
- od 40 do 50 godina - 11,
- od 50 do 60 godina - 11,
- 60 i više godina - četiri lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 572 (četiri lica poginula, 85 lica povrijeđeno, 29 teže i 56 lakše),
- neprilagođena brzina - 87 (17 lica povrijeđeno, jedno teže i 16 lakše),
- uticaj alkohola - četiri (jedno lice lakše povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca septembra 2021. godine, policijski službenici Uprave policije MUP-a Kantona Sarajevo kontrolisali su:

- 15.410 vozila i vozača (1.807 manje),
- 3.350 lica u vozilima (6.665 manje),
- pregledali 190 vozila (67 manje) i 152 lica u vozilima (105 manje).

Zbog tehničke neispravnosti iz saobraćaja je isključeno 47 vozila (24 više), 223 vozača su zatečena da upravljaju vozilom pod dejstvom alkohola (23 više), 315 bez korištenja sigurnosnog pojasa (132 manje), 186 bez položenog vozačkog ispita (49 manje), 37 pod izrečenom zaštitnom mjerom (37 manje), 346 vozača je zatečeno da koriste mobitel tokom vožnje (13 manje) i 206 vozila je učestvovalo u saobraćaju bez važeće registracije (223 manje).

Zbog kršenja propisa iz oblasti sigurnosti saobraćaja uručeno je 14.547 prekršajnih naloga vozačima (2.397 ili 14,1 % manje u odnosu na septembar prošle godine) i podneseno 212 zahtjeva za pokretanje prekršajnog postupka (107 ili 33,5 % manje).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca septembra 2021. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 6.205 prekršajnih naloga (931 manje), upozoreno je 190 vozača (60 manje), a specijalnim vozilom "pauk" premješteno je 69 vozila (82 manje).

Takođe, pješacima koji su kršili propise uručeno je 110 prekršajnih naloga (20 više), a upozoreno je 29 pješaka (112 manje).

ZAKONITOST U RADU

Tokom mjeseca septembra 2021. godine, u službenim evidencijama registrovana su dva pojedinačna napada (dva manje) na policijske službenike Uprave policije MUP-a KS. U napadima su učestvovala dva punoljetna lica koja su u jednom slučaju koristila fizičku snagu, a u jednom slučaju napad je bio verbalne prirode.

Slučajevi upotrebe sile od strane policijskih službenika nisu registrovani.

Razmatrano je 15 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za četiri predstavke (pet manje) provede unutrašnja istraga, za osam predstavki je odlučeno da se izvrše provjere i prikupi dokumentacija, a za tri da su neosnovane.

Od 15 razmatranih predstavki, 13 je podneseno od strane građana, dok dvije predstavke predstavljaju saznanja iz službe.

Okončano je 11 unutrašnjih istraga, od čega je pet bilo bez dovoljno dokaza, pet je neosnovanih, dok je jedna istraga osnovana.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su i tokom mjeseca septembra 2021. godine provodili aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policijci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju prevencije i koordinacije Rada policije u zajednici sa vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovane su slijedeće aktivnosti:

- Pohađanje jednodnevne radionice pod nazivom „Podizanje svijesti o rodnoj ravnopravnosti u policijskim strukturama u BiH“, u organizaciji Udruženja „Mreža policijskih službenica“, a uz podršku Misije OSCE-a u BiH,
 - Učestvovanje na manifestaciji „Jesenji Auto Show“, održanoj u organizaciji Auto Media Group a u sklopu akcije „Sigurnost na cestama u BiH“, koju na osnovu Rezolucije UN-a iz 2010. godine kontinuirano provodi Svjetska automobilistička organizacija. Učešće Uprave policije MUP-a Kantona Sarajevo na ovoj manifestaciji realizovano je kroz organizovanje info-pulta na kojem su policajci u zajednici zajedno sa policijskim službenicima Jedinice za saobraćaj promovirali svoj rad s ciljem jačanja povjerenja između građana i policije,
 - U saradnji sa VSTV-om BiH i predstavnicima projekta „Jačanje uloge tužilaca u sistemu krivičnog pravosuđa u BiH“, Ministarstvom odgoja i obrazovanja Kantona Sarajevo i Međunarodnim forumom solidarnosti-EMMAUS-Centar za siguran internet, preduzeto je niz aktivnosti po pitanju usaglašavanja provođenja preventivnih mjera predviđenih „Akcionim planom Kantona Sarajevo za provođenje strategije suprotstavljanja trgovini ljudima u BiH za period 2020-2023. godina“,
 - Nastavljena je saradnja sa JU „Građevinsko-geodetska škola Sarajevo“, JU „Srednja mašinska škola“ i „School Psychologis“ & „Psychology Teacher“ na relizaciji projekta „Policija prijatelj škole“. Tom prilikom je za učenike navedenih škola od strane policijskih službenika usaglašena realizacija edukativnih predavanja na teme „Nasilje putem informativno komunikacijske tehnologije“, „Kako biti odgovoran i savjestan učesnik u saobraćaju“, „Šta je to trgovina ljudima“ i „Zakonska regulativa i posljedice zloupotreba droga“,
 - Povodom početka nove školske godine, policijski službenici Uprave policije su realizovali mjere i radnje iz svoje nadležnosti na područjima gdje se nalaze odgojno obrazovne ustanove, s posebnim akcentom na vrijeme dolaska i odlaska učenika iz škole kao i vrijeme korištenja velikih odmora.
 - U skladu sa posebno sačinjenim planovima edukacije učenika osnovnih i srednjih škola, za 243 učenika prvih razreda osnovnih škola u Kantonu Sarajevo i 23 polaznika predškolskih ustanova održana su predavanja na teme „Djeca u saobraćaju“ i „Policajac prijatelj“. Takođe, za učenike osnovnih škola održana su predavanja na teme: „Međuvršnjačko nasilje“ i „Nasilje na internetu“.
 - Povodom trenutne epidemiološke situacije kao i povećanog priliva turista u Kantonu Sarajevo, policajci u zajednici su ukazivali na problem prosjačenja te građanima dijelili flajere pod nazivom „Spriječimo prosjačenje“, sa brojevima telefona na koje mogu prijaviti ovaj ali i druge oblike narušavanja javnog reda i mira.
- Osim navedenog, policajci u zajednici su pratili poštivanje izrečenih zaštitinih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.
- Policajci u zajednici su takođe ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira prosjačenjem, kao i eventualnog činjenja krivičnih djela krađa i drskih krađa.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u mjesecu septembru 2021. godine, u prihvatnim, azilantskim i imigracionim centrima boravi cca 1.607 migranata.

Tokom mjeseca septembra 2021. godine migranti su učestvovali u 13 događaja sa obilježjem krivičnog djela i to:

- teška tjelesna ozljeda (čl. 172. KZ FBiH) – jedan događaj,
- ugrožavanje sigurnosti – jedan,
- posjedovanje i omogućavanje uživanja opojnih droga (čl. 239. KZ FBiH) – tri,

- krađa (čl. 286. KZ FBiH) – tri,
- razbojništvo (čl. 289. KZ FBiH) – dva,
- oštećenje tuđe stvari (čl. 293. KZ FBiH) – dva i
- nasilničko ponašanje (čl. 362. KZ FBiH) - jedan događaj.

Policijski službenici Uprave policije MUP-a Kantona Sarajevo su u mjesecu septembru 2021. godine proveli ukupno sedam akcija, kontrolisali 230 migranta, od čega 80 nije posjedovalo registracijski obrazac, tri su upućena, a 19 predato službi za poslove sa strancima radi registracije i 101 migranata je smješten u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC SEPTEMBAR 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.607
UKUPAN BROJ KONTROLISANIH MIGRANATA	230
BROJ MIGRANATA LIŠENIH SLOBODE	14
BROJ KRIVIČNIH DJELA POČINJENIH OD STRANE MIGRANATA	13
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	13
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	7
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	123

Sarajevo, 12.10.2021. godine

Odjeljenje za odnose s javnošću

